

gnificatur. Sin contrà difficulter illa fertur, nihil confert: teste eodem Hippocrate aphorismo secundo sectionis secundæ. Si denique quis à morbo cibum assumens non corroboratur, ipse aut pleniùs quàm par sit, nutritur, aut euacuationis indiget: veluti docet etiam Hipp. 8. aphor. sect. 2. Vbi ait impura corpora tantò plus lædi, quantò magis nutriuntur: Nam cibus præter naturam copiosior ingestus morbum procreat, quem eius sanatio indicat, eodem teste Hippocrate aphorismo decimo septimo eiusdem sectionis secundæ.

¶ *Quibus signis externi tumores præter naturam internosci possint.*

C A P. XIII.

EXterni tumores, qui glandulosas partes occupant, phymata, phygethla, & bubones dicuntur: quorù, hi si ab inflammationibus, aut vlceribus tibiæ, in inguinibus excitantur, febres ephemeræ accersunt. Sed si absque inflammationibus tibiæ pedumve ipsa obsident inguina, tum malignas febres atque pestilentes excitant. Ac è lue venerea interdum in inguinibus bubones oriuntur absque vlla febre: sed hi egerrimè coquuntur & maturescunt. Item, è carbunculis pestilentibus sub alijs oriuntur etiam bubones maligni,

phyma
bubo